

## REGIONAL NEWS

HEADLINES:-

1. New Delhi-a cham mek, Chief Minister Pu Lalduhoma chuan sorkar laipua Union Minister hrang hrang te hmuin, Mizoram mamawh te a thlen.
2. Public Accounts Committee memberte chuan an chairman Pu Lalchandama Ralte hovin an kalphung an sawifiah.
3. Russia-a cham mek Prime Minister Narendra Modia chuan India leh Russia inlaichinna chu hun lo kal zelah a nghet chhoh telh telh ang a ti.
4. Jammu & Kashmir-a Kathua district-ah nimina firfiakten sipaite an lambun avanga sipai panga an thih hnuah helai chhehvelah hian firfiak dapchhuah beihpui ngawrh taka kalpui a ni.

&lt;&gt;&lt;&gt;&lt;&gt;

CM

New Delhi-a cham mek, Chief Minister Pu Lalduhoma chuan sorkar laipua Union Minister hrang hrang te hmuin, Mizoram mamawh te a thlen a,

Nizan Khan Union Health Minister Pu JP Naddachu a chenna inah a hmu a, ZMC tihchangtlunna tur sum leh pai tanpuina, Chief Minister Delhi a zin hmasak tuma an lo sawidun tawh chu an sawi leh a, Union Health Minister hian tihfel vat a lo tiam a. ZMC a Critical Care Block din chungchangte pawh sawi dunin Health Minister hian an lo zirchian tur thu leh chanchin a hriattir leh vat tur thu a lo hrih a. Health Sector a Mizoram hmasawna thil te an sawidun baw.

Vawiin tlai lam Khan Chief Minister Pu Lalduhoma leh Pu Vanlalhlana, PWD Minister te chuan Minister of Road, Transport and Highways Pu Nitin Gadkari, chu a chenna inah hmuin, Pu Nitin Gadkari hian a Ministry hnuia official pawimawhte lo ko khawmin, Mizorama project hrang hrangte leh harsatna awm mek te an sawi hova. Pu Nitin Gadkari hian, chuan Mizorama hna an thawh mai theih loh thin chhan lian ber chu Forest Clearance fel lo a nih thu a lo hrih a ni.

Chief Minister hian NHIDCL siam retaining wall chim nasa lutuk chu a thlak nen Pu Nitin Gadkari hi a hmuhtir a. Enfiah nghal a lo tiam a ni. Aizawl Bypass Tunnel Approach Road siamna tur Mizoram Sawrkarin a thlen leh Lawngtlai - Siaha inkar Chhimtuipui Lui (Tuipui Ferry) a lei dawhna tur DPR, Mizoram Sawrkarin a theluh tawh pawh a rang thei ang bera tihhlawhtlin dan a zawn tur thu a lo hrih a ni.

Vawiin Khan Chief Minister Pu Lalduhoma chuan DoNER Minister Pu Jyotiraditya Scindia chu a office ah a hmu a, North Eastern Council thuneihna tihpun chungchang te leh project hrang hrang chungchang te an sawi a. Pu Jyotiraditya Scindia hian DoNER hnuia project hrang hrang te enfiah turin Mizoram a lo tlawh vat tur thu a lo hrih a, Kaladan Multi-Modal Transit Transports Project pawh a hmunah ngei a tlawh a tum tih a lo sawi a ni.

Minister of Environment, Forest and Climate Change Pu Bhupender Yadav pawh a hmu bawk a. Mizoram chhunga project hrang hranga Forest Clearance hmuh theihloh avanga harsatna awmte leh a chinfel dan tur kawngte an sawidun. Environment Minister hian harsatna awm te chu chinfel pui vat a lo tiam a ni.

<><><>

#### PAC PRESS CONFERENCE

Public Accounts Committee memberte chuan Mizoram Legislative Assembly Annexe Building ah thuthar thehdarhtute kawmin an kalphung an sawifiah a,

Public Accounts Committee Chairman leh Opposition Leader Pu Lalchhdama Ralte chuan Assembly ah hian committee peng hrang hrang 21 awmin, ruling leh Opposition te pawh lungrual takin thu an sawi ho thin thu a sawi. Committee peng 20 ah ruling an Chairman a, PAC ah chuan Opposition party mi an Chairman tawh tih sawiin PAC hi tum riat an thukhawm tawh a, sum leh pai a hmanna tura hman ani em tihte leh mawhphurhna tamtak an neih thu Opposition Leader Pu Lalchhandama Ralte chuan a sawi.

Sum hman dan felhlel chungchangah term hmasa lama PAC thlirna te pawh chak takin a bawhzui mek a, Audit Report-a hrang hrang atangin a hmun ngeia tlawh tur pawh eng emaw zat a thlang fel tawh thu an tarlang.

PAC chuan Legislature hnathawh, session chhung chauha neih thin anga ngaihdan awm thin chu thiah tumin, zau zawka mipui hmaa a mawhphurhna tlangzarh leh mipuite'n an chanvo dik tak an chan nan leh, mipui sum hmanna pawh dik taka hman a ni ngeina turin theihtawp chhuah an tum thu an sawi.

Mipui sum tih chingpen chungchang thua PAC chuan a tul ang leh dan anga hma la tur a nih angin, ram leh hnam tana hmalak a hreh dawnlo a ti a, Department te pawhin chiang taka hre tura an duh thu Pu Chhandama chuan sawiin, enquiry chak zawka lain, evidence koh kawngah leh case bawhzui kawngah khauh zawka kal ngei tumin, vhumu tur chuan Audit Report piah lamah Compliance Report pawh uluk takin a zir a, a tul ang zela spot verification nei tur pawhin a inpuahchah nghal thu a sawi.

<><><>

#### LADC SESSION

Lai Autonomous District Council Emergency Session, tunkar Zirtawpni thleng awhtur chu nimin khan Chairman Pu V.L.Hmuaka kaihhruaina hnuaiah LADC Session Hall. Lawngtlai ah tan a ni a, vawiin khan Bill pakhat sawihovin pawm a ni a, naktuk ah Deputy Chairman thlan a ni ang.

Nimin Session ah MDC Ioni tawh Pu V.L.Hminga sunna hun hman a ni a, Chief Executive Member Pu C.Lalmuanthanga'n LADC Budget a pharh bakah bill pakhat House ah a pulut.

State Sorkar chuan District Council te sum a pekdan chu tidanglam hretin, a hlawmin a hmanna biktur bithliah lovin a pe a, heihi LADC Session ah a hmanna tur ruahman niin, Salary atan cheng nuai 23,126, Non-Salary atan cheng nuai 1,233 dah niin, Budget hi a vaiin cheng

nuai 24,359.21 a ni a, kum kalta 2023-2024 aiin Nuai 3238.49 in a tamzawk.

Kum kalta a sum indaihlohna puhrukna tur Supplementary demand for grant Nuai 1785.44 CEM hian House ah a pharh bawk. Kum 2024-2025 chhungin chhiah tlingkhawm atangin cheng Nuai 350 hmuh tum a ni.

Vawiin Session ah nimin a CEM in a putlulh, The Lai Autonomous District Council (Constitution, Conduct of Business, etc) (Fifth Amendment) Bill, 2024. chu House ah sawiho niin pawm a ni LADC a Deputy Chairman Pu C.L.Lianzuala chuan nimin khan banna Chairman hnen ah a thehlut a, naktuk Session ah Deputy Chairman thlan a ni ang.

Pu C.L Lianzuala hian midang pariat nen June 20 khan ZPM an zawma, tuna Congress leh MNF Sorkar intawm ah Deputy Chairman a nihzui zel chu thil kalhmang a nihloh vanga a nihna bansan a ni.

<><><>

#### MNF PRESS CONF

MNF Party Media & Publicity Dept Chairman Pu Krosshnehzova chuan Chief Minister Pu Lalduhoma'n Remna Ni lawmnaah thu dik lo a sawi a ni, a ti.

Vawiin khan Aizawl Press Club-ah MNF thupuangtute hian chanchinbu mite an kawm a, Pu VL Kroshnehzova chuan Pu Lalduhoma'n kum 1975-a Pu Laldenga te Pakistan atanga ruk chhuah an ni anga a sawi chu thu dik lo a ni, a ti a. Shillong Accord chungchang a sawi pawh a diklo a ti a, hemi huna Chief Minister Pu CH. Chhunga nen Shillong-ah an awm nia a insawi pawh thu dik lo niin, Shillong Accord chu Shillong-ah an ziak lo niin CM hi a chhanglet bawk.

Pu Lalduhoma chuan Remna thuthlung ziah a nih chungchang leh India leh MNF in remna a ziah lai chanchinah hian thu leh hla engemaw zat a puangzar tawh tih a sawi a, mahse heng a thu puante hi party a awmna a zirin a danglam thin tih sawiin, tunah chuan Chief Minsiter a nih tawh avangin thu dik lo a sawi chuan nghawng thui tak a nei tih sawiin, a bik takin Remna Ni lawmnaa thu dik lo sawi chu a rem tawh loa an hriat thu a sawi bawk a ni.

<><><>

#### MNF PRESS CONF

MNF Party Media & Publicity Dept Chairman Pu Krosshnehzova chuan Chief Minister Pu Lalduhoma'n Remna Ni lawmnaah thu dik lo a sawi a ni, a ti.

Vawiin khan Aizawl Press Club-ah MNF thupuangtute hian chanchinbu mite an kawm a, Pu VL Kroshnehzova chuan Pu Lalduhoma'n kum 1975-a Pu Laldenga te Pakistan atanga ruk chhuah an ni anga a sawi

chu thu dik lo a ni, a ti a. Shillong Accord chungchang a sawi pawh a diklo a ti a, hemi huna Chief Minister Pu CH. Chhunga nen Shillong-ah an awm nia a insawi pawh thu dik lo niin, Shillong Accord chu Shillong-ah an ziak lo niin CM hi a chhanglet bawk.

Pu Lalduhoma chuan Remna thuthlung ziah a nih chungchang leh India leh MNF in remna a ziah lai chanchinah hian thu leh hla engemaw zat a puangzar tawh tih a sawi a, mahse heng a thu puante hi party a awmna a zirin a danglam thin tih sawiin, tunah chuan Chief Minsiter a nih tawh avangin thu dik lo a sawi chuan nghawng thui tak a nei tih sawiin, a bik takin Remna Ni lawmnaa thu dik lo sawi chu a rem tawh loa an hriat thu a sawi bawk a ni.

<><><>

### PM

Russia-a cham mek Prime Minister Narendra Modia chuan India leh Russia inlaichinna chu hun lo kal zelah a nghet chhoh telh telh ang a ti. Vawiinah Russian President Vladimir Putin an inkawmnaah he thu hi sawiin kum 10 chhungin tum 17 an inkawm tih sawiin kum 25 kalta chhungin bilateral meeting tum 22 a awm tawh a ni a ti bawk.

Prime Minister Modia chuan kum 40-50 chhungin India chuan firfiaka chetna a tuar a ti a. Moscow-a firfiaka chetna thleng chu an tawrhpu hle a ti a.

Prime Minister chuan firfiaka chetna chu eng ang pawhin langchhuak se an dem takzet a ni a ti a. Kum nga kalta chhungin khawvelin chona lian tak tak a tawng tih sawiin Covid-19 hrleng avangte leh ram leh ram inngirngona avangin harsatna tam tak a thleng a ti bawk. Pu Modia chuan India leh Russia inlaichinna chuan India rama loneitute leh consumer te a pui nasa tih sawiin khawvela tuialhtheia harsatna a thlen laiin Russia puihnain Idnia chuan mi naran te thlengin petrol leh diesel mamawh a neih phah a ti a. Khawvel sumdawnnaah India leh Russia te inremna chu a pawimawh hle tih hi ramdang pawhin an hriatpui a tul a ni a ti bawk.

<><><>

### J&K

Jammu & Kashmir-a Kathua district-ah nimina firfiakten sipaite an lambun avanga sipai panga an thih hnuah helai chhehvelah hian firfiak dapchhuah beihpui ngawrh taka kalpui a ni a. Nimina inbeihnaah khan sipai pali in hliam an tuar bawk a. Akahsvani thudawn danin helicopter leh UAV surveillance hmangin firfiakte hi zawn hna thawh a ni a. Sipai, Police leh CRPF ten inbeihna hmun Machedi, Badnote, Kindli leh Lohai te ngawrh takin an dap a ni.

Firfiak pali vel an che niin sipaite an sawi a ni.

<><><>

## HURRICANE BERYL

Hurricane Beryl avangin US-a Texa state ah mi pariat an thi tawh. Thudawn danin Hurricane Beryl hian Texas chhimchhak leh Louisiana state te a nuai a. Mi maktaduai thum chuangin kawlpheha an nei lo a ni. Hurricane beryl hian niman khan khawmual thlengin thlipui hi a thawk nep tial tial nia hriat a ni a. Tualchung media te chuan thlawhna 1100 thlawk tur thulh a nih thu sawiin tuilian thei dinmunah an ding bawk niin an sawi a ni.

<><><>